


Marcelle Drutel
L'Aubanelenco

Intermezzo



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

PROLOGUE

E just que n'ai tasta, n'ai déjà l'amo lasso!...
(P. F.)

Se lou poutoun qu'as pres de mi labro counsènto,
L'ispre poutoun d'amour dèu t'alassa deman;

Se loun fremin crudèu qu'as pausa sus ma caro,
E lou treboulun fòu qu'as bouta dins moun cors,

Deman, dèves subran i'escupi sènso lagno,
Desvirant toun regard de moun regard pauru;

Se deman moun amour es pu rèn dins ta vido,
Se n'en dèves douta coume d'un soungé van,

Perdequé, moun ami, siés vengu vers la draio
Ounte siavo, pausave, en ribo d'amista?

Ère urouso emé tu de viéure sènso fegne,
Dins la fisança santo, e la pas, e la lus,

D'ama toun ande grave e ta forto sapiènci,
D'acara ma pensado à toun vejaire ami...

E vuei, t'en siés vengu pausa sus iéu ti labro,
E mi labro à ti bouco an tourna soun poutoun!...

Noun pas lou poutoun gai que ligo la freireisso,
Que pascho l'amistanço e fai lou cèu mai pur;

Mai lou poutoun d'amour qu'aparèu ome e femo;
L'orre poutoun de car, mai fèr que l'abandon!

Ai! Perqué siés vengu treboula ma calamo,
La calamo requisto ounte dourmié moun cor,